



ОРХОН АЙМГИЙН
ЗАСАГ ДАРГЫН ЗАХИРАМЖ

Б. Хичигсүрэн

Захарачийн ажлын төлөө
Хамтын аян үргэлжлүүлэн
Эр дүн төлөвлөгөө

Мунх 2022.03.01
Эрдэнэт

2022 оны 03 сарын 01 өдөр

Дугаар А/88

“Эх, хүүхдэд ээлтэй өрхийн эрүүл мэндийн төв” шалгаруулах аян зохион байгуулах тухай

Монгол улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, 66 дугаар зүйлийн 66.1 дэх заалт, Эрүүл мэндийн тухай хуулийн 11 дүгээр зүйлийн 11.1.5, 11.1.8 дэх хэсэг, аймгийн Иргэдийн Төлөөлөгчдийн Хурлын 2021 оны 12 дүгээр сарын 02-ны өдрийн ээлжит VI хуралдааны 06/04 дүгээр тогтоолыг тус тус үндэслэн ЗАХИРАМЖЛАХ нь:

1. Аймгийн хэмжээнд “Эх, хүүхдэд ээлтэй өрхийн эрүүл мэндийн төв” шалгаруулах аян зохион байгуулах удирдамжийг нэгдүгээр, аянд шаардагдах төсвийн тооцоог хоёрдугаар хавсралтаар тус тус баталсугай.

2. Зардалд шаардагдах 5,000,000 (таван сая) төгрөгийг төсөл хөтөлбөрийн зардлын (Боловсрол, эрүүл мэнд, соёл, спортын олон нийтийн арга хэмжээг жилийн турш зохион байгуулах) зардлаас гаргахыг аймгийн Засаг даргын Тамгын газрын Санхүү төрийн сангийн хэлтэс (Н.Бямбацэцэг)-т зөвшөөрсүгэй.

3. Батлагдсан хөрөнгийг зориулалтын дагуу зарцуулан, үр дүнг тайлагнаж ажиллахыг Эрүүл мэндийн газар (Д.Сүхээ), захирамжийн хэрэгжилтэд хяналт тавьж, ажиллахыг аймгийн Засаг даргын Тамгын газрын Нийгмийн бодлогын хэлтэс (А.Бумансор)-т тус тус үүрэг болгосугай.



ЗАСАГ ДАРГА

С.БАТЖАРГАЛ

**“ЭХ, ХҮҮХДЭД ЭЭЛТЭЙ ӨРХИЙН ЭРҮҮЛ МЭНДИЙН ТӨВ”
ШАЛГАРУУЛАХ АЯНЫ УДИРДАМЖ**

Нэг. Зорилго

Монгол улсын Тогтвортой хөгжлийн зорилт, Засгийн газрын 2020 -2024 оны үйл ажиллагааны хөтөлбөрийн 2.1.1.3 дахь заалт, ЭМС-ын 2021 оны 760 дугаар тушаалаар батлагдсан “Эх хүүхэд нөхөн үржихүйн эрүүл мэнд” арга хэмжээний төлөвлөгөөний хэрэгжилтийг хангах хүрээнд эх хүүхдэд ээлтэй цогц орчинд тусламж үйлчилгээ үзүүлэх нөхцлийг бүрдүүлэн эрсдэлт хүчин зүйл болон сэргийлж болох өвчлөл эндэгдлийг бууруулах

Хоёр. Зорилт

1.Эх, хүүхэд, нөхөн үржихүйн тусламж үйлчилгээнд хэрэгжиж байгаа эрх зүйн баримт бичгийн хэрэгжилтийг нэмэгдүүлэх

2.Эх, хүүхдэд ээлтэй цогц, аюулгүй орчинг бүрдүүлэн тусламж үйлчилгээг нэг цэгээс авах боломжийг бүрдүүлэх

3.Эх, хүүхдэд эрүүл мэндийн тусламж үйлчилгээ үзүүлэх өрхийн эмч, эмнэлгийн мэргэжилтний ур чадварыг нэмэгдүүлэх

4.Эх, хүүхэд, нөхөн үржихүйн эрүүл мэндийн боловсрол олгох сургалт, сурталчилгааг нэмэгдүүлж, сэргийлж болох өвчлөл, эндэгдлийг бууруулах

Гурав. Хамрах хүрээ

Өрхийн эрүүл мэндийн төвүүд

Дөрөв. Болзлын хугацаа

2022 оны 02 дугаар сарын 25-наас 2022 оны 05 дугаар сарын 25-ны өдөр хүртэл нийт 3 сарын хугацаанд үргэлжилнэ. Аянг дүгнэж, 06 дугаар сарын 1 буюу “Эх үрсийн баярын өдөр” шагналыг гардуулна.

Тав. Хийх үйл ажиллагааны чиглэл

1.Төрөх насны эмэгтэйчүүд, жирэмсний нэрийн хяналтыг тогтмолжуулан нөхөн үржихүйн нэг цэгийн үйлчилгээг үзүүлэх

2.Жирэмсний эрт үеийн хяналт болон хяналтын хугацаан дахь 6-8 удаагийн үзлэг, эхээс урагт дамжих гурвалсан халдварын оношилгоог чанаржуулах

3.Эх баригч, эх барих эмэгтэйчүүдийн эмч, хүүхдийн эмчийг орон тоогоор дагнан ажиллуулж, НҮЭМ, жирэмсэн, хүүхдийн тусламж үйлчилгээний чанар хүртээмж, үр дүн, хэрэгцээг үнэлэх

4.Жирэмсэн эх, хүүхдийн үзлэг, хяналт, дархлаажуулалт болон өвчтэй хүүхдэд ХӨЦМ-ийн дагуу тусламж үйлчилгээг ээлтэй орчинд нэг цэгээс үзүүлэх боломжийг бүрдүүлэн хүүхэд өлгийдэх, хөхүүлэх, хувцаслах, шингэн сэлбэх хэсгийг тохижуулах, тусламж үйлчилгээ авах явцад эх хүүхдийн аюулгүй байдлыг хангах, Ковид-19 зэрэг бусад халдварт өвчинд өртөх

эрсдлийг бууруулах зэрэг зохицуулалт, зохион байгуулалтын өөрчлөлт шинэчлэлт, хөрөнгө оруулалт хийх

5.Эцэг эх, олон нийтэд 5 хүртэл насны хүүхдийн асран хамгаалахуйн эерэг дадал хандлага олгоход чиглэсэн сургалт сурталчилгааг эрчимжүүлэн сэргийлж болох эндэгдлийг бууруулах

6.Өрхийн эмч, эх баригч, эмнэлгийн мэргэжилтний жирэмсэн, хүүхдийн хооллолт, асран хамгаалахуйн эерэг дадал олгох чадварыг нэмэгдүүлэх

Зургаа. Аяныг дүгнэх, шалгаруулах

1.Өрхийн эрүүл мэндийн төвүүд хийсэн ажлын баримтжуулсан тайлан, шалгуур үзүүлэлтийн дагуу тоон үзүүлэлт, хүрсэн үр дүнг Эрүүл мэндийн газарт 2022 оны 05 сарын 28-ны дотор бичгээр ирүүлнэ.

2.Ажлын хэсэг ирүүлсэн материалыг судлан эхний шатанд шалгарсан байгууллагуудад газар дээр нь үзэж танилцан, шалгаруулалтыг 2022 оны 05 сарын 30-ны дотор явуулна.

Долоо. Шагнал урамшуулал:

1.“Эх, хүүхдэд ээлтэй өрхийн эрүүл мэндийн төв” -1-р байр-1 өргөмжлөл, мөнгөн шагнал
2. “Эх, хүүхдэд ээлтэй өрхийн эрүүл мэндийн төв”- 2-р байр -1 өргөмжлөл,мөнгөн шагнал

3.“Эх хүүхдэд ээлтэй өрхийн эрүүл мэндийн төв”-3-р байр-1 өргөмжлөл, мөнгөн шагнал

Найм. Шалгуур үзүүлэлт

Шалгуур үзүүлэлт бүрийг 0-5 оноогоор дүгнэнэ

№	Шалгуур үзүүлэлт	Тоон үзүүлэлт /хүрсэн үр дүн	Оноо
1.	Төрөх насны эмэгтэйчүүд, жирэмсний нэрийн хяналтыг тогтмолжсон байх, нөхөн үржихүйн нэг цэгийн үйлчилгээний үзүүлэлтүүд		
2.	Жирэмсний эрт үеийн хяналт, хяналтын хугацаанд 6-8 удаа үзүүлсэн хувь		
3.	НҮЭМ, жирэмсний тусламж үйлчилгээний чанар хүртээмж, үр дүн, хэрэгцээнд хийсэн үнэлгээний үзүүлэлт		
4.	Орон тоогоор ажиллаж байгаа эх баригч, эх барих эмэгтэйчүүд, хүүхдийн эмчийн тоо		
5.	Жирэмсэн эх, хүүхдэд ээлтэй цогц, аюулгүй орчинг бүрдүүлэн тусламж үйлчилгээг нэг цэгээс авах боломжийг бүрдүүлэхэд хөрөнгө оруулалт хийсэн эсэх		
.7	Эрүүл хүүхдийн үзлэгийн ерөөний тохижилт, багаж тоног төхөөрөмжийн хангалтын хувь		
8.	5 хүртэл насны хүүхдийн товллын дархлаажуулалтад хамрагдсан хувь		
9.	Эх хүүхэд, нөхөн үржихүйн эрүүл мэндийн боловсрол олгох, сэргийлж болох эндэгдлийг бууруулах талаар хийсэн сургалт, сурталчилгааны тоо		

10	Жирэмсэн, хүүхдийн хооллолт, асран хамгаалахуйн эерэг дадал олгох сургалтанд хамрагдан чадавхжуулсан эмч, эх баригч, эмнэлгийн мэргэжилтний тоо		
----	---	--	--

00



Аймгийн Засаг даргын 2022 оны
03 дугаар сарын 07-ын өдрийн
1/88...дугаар захирамжийн II хавсралт

ШААРДАГДАХ ТӨСВИЙН ЗАДАРГАА

№	Нэр төрөл	Тоо ширхэг	Нэг бүрийн үнэ	Нийт үнэ
1	“Эх, хүүхдэд ээлтэй өрхийн эрүүл мэндийн төв” 1-р байр	1	2,000,000	2,000,000
2	“Эх, хүүхдэд ээлтэй өрхийн эрүүл мэндийн төв” 2-р байр	1	1,500,000	1,500,000
4	“Эх, хүүхдэд ээлтэй өрхийн эрүүл мэндийн төв” 3-р байр	1	1,000,000	1,000,000
5	Бусад үйл ажиллагааны зардал	1	500,000	500,000
6	Нийт дүн			5,000,000